

## HE TUHITUHINGA

I NGA MAHI A TE HUI O TE HAHU MAORI O TE TAKIWA O TURANGA, I WHAKAMINEA KI TE KAWAKAWA I TE 10 O NGA RA O TIHEMA, 1881.

---

**N**O te 8 o nga haora ka huihui ki te karakia i te Whare-karakia o Tepene. Nga waiata i whakaritea, koia enei, 46, 72, 85. Te Upoko tuatahi, Ihaia XI ki rarangi 11; te Upoko tuarua, Mahi XV ki rarangi 32.

No te 11 o nga haora ka huihui ano ki te Whare karakia ki te mahi i nga mahi a te Hui. Te karangarangatanga a te Pihopa i nga ingoa o nga tangata o te Hui ka whakao enei ki o ratou ingoa :—

*Minita* : Te Wiremu Atirikona, Raniera Kawhia, Mohi Turei, Matiaha Pahewa, Rihara Te Rangamaro, Kerehona Piwaka, Rutene Te Aihu.

*Mangai Reimana* ; Te Piriniha Te Rito, Anaru Te Kahaki, Rapata Wahawaha Meiha, Mokena Paputene, Te Paki Te Amaru.

Heoi ka kiiia e te Pihopa kua tu te Hui, ka timataia e ia te mahi ki te Inoi, ka whaikorero hoki ki te Hui.

## WHAI-KORERO A TE PIHOPA.

E AKU HOA AROHA ;

He manawareka toku kitenga ano i a koutou inaianei, i te mea ka rua nei nga tau i ngaro ai. I kore ai ahau e tae mai ki konei, ki te Hui o te Hahi Maori i tera tau, he haere noku ki Nawhekaerani, ki te whakatapunga o te Whare-karakia i hangaa nei hei whakamau-mahara ki a Te Patihana Pihopa. Toku hoa